

sórtium pervenire concédas. Per Dóminum.

Secreta.

DEUS, cujus misericórdiæ non est númerus. súscipe propítius preces humilitátis nostræ : et animábus fratrum, propinquórum, et benefactorum nostrórum, quibus tui nóminis dedisti confessiónem, per hæc sacraménta salutis nostræ, cunctórum remissionem tribue peccatórum. Per Dóminum.

Postcommunio.

PRÆSTA, quæsumus omnipotens et misericors Deus : ut animæ fratrum, propinquórum, et benefactorum nostrórum, pro quibus hoc sacrificium laudis tuæ obtúlimus majestáti; per hujus virtútem sacraménti a peccátis ómnibus expiátæ, lucis perpétuæ, te miseránte recipiant beatitúdinem. Per Dóminum.

**Pro his, qui in cœmeterio
requiescunt,
Oratio.**

DEUS, cujus miseratióne animæ fidélium requiescunt : famulis et famulábus tuis, et ómnibus hic et ubique in Christo quiescéntibus, da propítius véniam peccatórum; ut a cunctis reátibus absoluti, tecum sine fine læténtur. Per eúmdem Dóminum.

Secreta.

Pro animábus famulórum famularúmque tuárum, et ómnium catholicórum hic et ubique in Christo dormiéntium, hóstiam, Dómine, súscipe benignus oblátam : ut hoc sacrificio singulári, vinculis horréndæ mortis exúti, vitam mereántur æternam. Per eúmdem Dóminum.

Postcommunio.

DEUS, fidélium lumen animárum, adesto supplicatióibus nostris : et da famulis et famulábus tuis, quorum córpora hic et ubique in Christo requiescunt, refrigerii sedem, quiétis

beatitúdinem, et lúminis claritátem. Per eúmdem Dóminum.

**Pro pluribus defunctis,
Oratio.**

DEUS, cui próprium est miseréri semper et párcere : propitiáre animábus famulórum famularúmque tuárum, et ómnia eórum peccáta dimitte : ut mortalitátis vinculis absolutæ, transíre mereántur ad vitam. Per Dóminum.

Secreta.

Annue nobis, quæsumus Dómine, aut animábus famulórum famularúmque tuárum hæc prosit oblátio : quam immolándo, totius mundi tribuísti relaxári delicta. Per Dóminum.

Postcommunio.

DEUS, cui soli cómpetit medicinam præstáre post mortem : præsta quæsumus ; ut animæ famulórum famularúmque tuárum terrénis exútæ contágiis, in tuæ redemptiόνis parte numeréntur. Qui vivis et regnas.

**Alia pro pluribus defunctis,
Oratio.**

Animabus, quæsumus Dómine, famulórum famularúmque tuárum misericórdiam concéde perpétuam : ut eis proficiat in ætérnum, quod in te speravérunt et credidérunt. Per Dóminum.

Secreta.

His, Dómine quæsumus, placátus inténde munéribus : et, quod ad laudem, tui nóminis supplicántes offerimus, ad indulgéntiam proficiat defunctorum. Per Dóminum.

Postcommunio.

Supplices, Dómine, pro animábus famulórum famularúmque tuárum preces effúdimus, obsecrántes : ut quidquid conversatióne contraxérunt humana, et cleménter indulgeas, et in tuórum sede lælantium constituas redemptórum. Per Dóminum nostrum.

RITUS ABSOLUTIONIS

IN EXEQUIIS PRÆSENTE CORPORE DEFUNCTI.

EX RITUALI ROMANO.

FINITA Missa, Sacerdos, deposita casula seu planeta, et manipulo, accipit pluviale nigri coloris : et Subdiaconus accipit Crucem, et accedit ad feretrum, et se sistit ad caput defuncti cum Cruce, medius inter duos Acolythos seu ceroferarios cum candelabris et candelis accensis : et omnes alii de Clero veniunt ordinatim in gradu suo cum candelis accensis, et stant in circuitu feretri : tum sequitur Sacerdos cum Diacono, et assistente, aliisque ministris, et facta reverentia Altari, sistit se contra Crucem ad pedes defuncti, retro adstantibus ei a sinistris duobus Acolythis, uno cum thuribulo et navicula incensi, altero cum vase aquæ benedictæ et aspersorio, et Acolythis seu Clerico tenente librum, absolute dicit sequentem Orationem :

Non intres in iudicium cum servo tuo, Dómine, quia nullus apud te justificabitur homo, nisi per te ómnium peccatórum ei tribuátur remissio. Non ergo eum, quæsumus, tua judiciális senténtia premat, quem tibi vera supplicatió fidei Christiánæ comméndat; sed grátia tua illi succurrénte, mereátur evádere iudicium ultiónis, qui dum viveret, insignitus est signáculo Sanctæ Trinitátis : Qui vivis et regnas in sæcula sæculórum. Amen.

Deinde Cantore incipiente, Clerus circumstans cantat sequens Responsorium :

Li-be-ra me, Do - mi-

ne, de morte æ-ter - na, in
di-e il-la tre-menda : **Quan-do**
cœ - li mo-vendi sunt et ter-
ra : **Dum** ve - neris ju-
di-ca - re sæ - cu-
lum per ignem. **γ.** Tremens fa-
ctus sum e-go, et ti - me - o,
dum discus-si-o ve - ne-rit, at-
que ven-tu-ra i - ra. **Repetitur.**
Quan-do. **γ.** Di-es il-la, di-es



i- ræ, ca-la-mi-ta-tis et mi-
se-ri-æ, di-es ma-gna et a-
ma-ra val-de. **Repetitur.** Dum
ve - ne - ris. **Ÿ.** Re-
qui-em æ-ter-nam do-na e - is,
Do - mi-ne, et lux per-pe-tu-a
lu-ce-at e - is. **Repetitur.** Li-
be-ra me, Do - mine.

Dum cantatur prædictum Respon-
sorium, Sacerdos, Acolytho et Dia-
cono ministrante, accipit incensum
de navicula, et ponit in thuribu-
lum; et finito **R.** Cantor cum primo
Choro dicit :



Ky-ri-e, e-le-i-son.
Et secundus Chorus respondet :
Christe, e-le-i-son.

Deinde omnes simul dicunt :



Ky-ri-e, e - le-i-son.

Mox Sacerdos dicit alta voce :
Pater noster, et secreto dicitur ab
omnibus; et ipse interim accipit a
Diacono vel Acolytho aspersorium
aquæ benedictæ, et facta profunda
inclinatione Cruci, quæ est ex ad-
verso, Diacono, seu ministro genu-
flectente, et fimbrias pluvialis suble-
vante, circumiens feretrum (si transit
ante Sacramentum, genuflectit), asper-
git corpus defuncti; deinde reversus
ad locum suum, Diacono ministrante,
accipit thuribulum, et eodem modo
circuit feretrum, et corpus incensat,
ut asperserat : postea reddito thuri-
bulo ei, a quo acceperat, stans in loco
suo, Acolytho seu alio ministro te-
nente librum apertum ante se, dicit :
Ÿ. Et ne nos inducas in tentationem.
R. Sed libera nos a malo. **Ÿ.** A porta
infernæ. **R.** Erue, Dómine, ánimam
ejus. **Ÿ.** Requiéscat in pace. **R.** Amen.
Ÿ. Dómine, exáudi orationem meam.
R. Et clamor meus ad te véniat. **Ÿ.**
Dóminus vobiscum. **R.** Et cum spíritu
tuo.

Orémus. Oratio.

DEUS, cui próprium est miseréri
semper, et párcere : te súpplices
exorámus pro ánima fámuli tui **N.**,
quam hódie de hoc sæculo migráre
jussisti, ut non tradas eam in manus
inimíci, neque obliviscáris in finem,
sed júbeas eam a sanctis Angelis
súscipi, et ad pátriam Paradísi per-
dúci : ut quia in te sperávit, et crédi-
dit, non pœnas inférni sustíneat, sed
gáudia ætérna possideat. Per Chri-
stum Dóminum nostrum. **R.** Amen.

Si defunctus fuerit Sacerdos, in
Oratione dicatur : pro ánima fámuli
tui Sacerdótis, quam. etc.

Finita Oratione, corpus defertur ad
sepulchrum, si tunc deferendum sit :

et dum portatur, Clerici cantant An-
tiphonam.



In Paradisum deducant te An-ge-
li : in tu-o ad-ven-tu sus-ci-piant
te Mar-ty-res, et perducant te in
ci-vi-tatem sanctam Je-ru-sa-lem.
Chorus Ange-lorum te sus-ci-pi-at,
et cum La-za-ro quondam pau-pe-
re æ-ternam ha-be-as re - quem.


Cum autem pervenerit ad sepul-
chrum, si non est benedictum, Sa-
cerdos illud benedicit, dicens hanc
Orationem.

Orémus.

DEUS, cujus miseratióne ánimæ fidé-
lium requiéscunt, hunc túmulum
benedicere dignáre, eique Angelum
tuum sanctum députa custódem : et
quorum, quarúmque córpora hic
sepeliúntur, ánimas eórum ab ómni-
bus absólve vínculis delictórum, ut in
te semper cum Sanctis tuis sine fine
læténtur. Per Christum Dóminum
nostrum. **R.** Amen.

Dicta Oratione, Sacerdos aqua be-
nedicta aspergat, deinde incenset
corpus defuncti, et tumulum.

Quod si corpus tunc ad sepulturam
non deferatur, omisso Resp. In Pa-
radisum, etc. et benedictione sepul-
chri, si jam est benedictum, prose-
quatur Officium, ut infra : quod num-
quam omittitur; et intonet Antipho-
nam.



Et dicitur
Canticum.
Benedictus.
E-go sum.
Be-ne-di-ctus Do-mi-nus De - us
Is-ra-el, * qui-a vi-si-ta-vit, et fe-
cit re-dem - pti-o-nem ple-bis
su-æ.

Et eréxit cornu salútis nobis : * in
domo David púeri sui.

Sicut locútus est per os sanctórum, *
qui a sæculo sunt, prophetárum ejus :
Salútem ex inimícis nostris : * et de
manu ómnium, qui odérunt nos :

Ad faciéndam misericórdiam cum pá-
tribus nostris : * et memorári testa-
ménti sui sancti.

Jusjurándum, quod jurávit ad Abra-
ham patrem nostrum, * datúrum se
nobis.

Ut sine timóre, de manu inimicórum
nostrórum liberáti, * serviámus illi.

In sanctitáte, et justítia coram ipso, *
ómnibus diébus nostris.

Et tu puer, Prophéta Altíssimi vocá-
beris, * præibis enim ante faciém Dó-
mini paráre vias ejus :

Ad dandam sciéntiam salútis plebi
ejus : * in remissionem peccatórum
eórum :

Per viscera misericórdiæ Dei no-

stri : * in quibus visitavit nos, oriens ex alto :

Illuminare his, qui in tenebris et in umbra mortis sedent : * ad dirigendos pedes nostros in viam pacis.

Réquiem ætérnam, * dona eis, Dómine.

Et lux perpétua * lúceat eis.

Et repetitur Antiphona.



E-go sum resurrecti-o et vi-ta,



qui credit in me, e-ti-am si mor-



tu-us fue-e-rit, vi-vet, et omnis



qui vi-vit, et cre-dit in me, non



mo-ri-e-tur in æ-ter-num.

Postea Sacerdos dicit :

Kyrie, eléison. Christe, eléison. Kyrie, eléison. Pater noster.

Interim corpus aspergit.

Ÿ. Et ne nos indúcas in tentatiónem.

Ŕ. Sed libera nos a malo. Ÿ. A porta inferi. Ŕ. Erue, Dómine, ánimam ejus. Ÿ. Requiéscat in pace. Ŕ. Amen.

Ÿ. Dómine, exáudi oratiónem meam.

Ŕ. Et clamor meus ad te véniat. Ÿ.

Dóminus vobiscum. Ŕ. Et cum spíritu tuo.

Orémus.

Fac, quæsumus Dómine, hanc cum servo tuo defuncto (vel fámula tua defúncta) misericórdiam, ut factórum suórum in pœnis non recipiat vicem, qui (vel quæ) tuam in votis tenuit voluntátem : ut sicut hic eum (vel eam) vera fides junxit fidélium turmis ; ita illic eum (vel eam) tua miseratio sóciat Angélicis choris. Per Christum Dóminum nostrum. Ŕ. Amen.

Ÿ. Réquiem ætérnam dona ei, Dómine. Ŕ. Et lux perpétua lúceat ei. Ÿ. Requiéscat in pace. Ŕ. Amen. Ÿ. Anima ejus, et ánimæ ómnium fidélium defunctorum per misericórdiam Dei requiéscant in pace. Ŕ. Amen.

Deinde a Sepultura in Ecclesiam, vel in Sacristiam revertentes, dicant sine cantu Antiphonam : Si iniquitates. cum Psalmo De profúndis, etc. Réquiem ætérnam, etc.

RITUS ABSOLUTIONIS

IN EXEQUIIS ABSENTE CORPORE DEFUNCTI,

ET IN DIE TERTIO, SEPTIMO, TRIGESIMO ET ANNIVERSARIO,

EX RITUALI ROMANO.

Post Missam, Celebrans deponit manipulum et planetam, accipit pluviale nigri coloris, et præcedentibus Subdiacono cum Cruce, et Clero, et duobus Ceroferariis cum luminaribus accensis, et duobus Acolythis, uno cum navicula incensi et thuribulo, et altero cum vasculo aquæ benedictæ et aspersorio, et hoc libro, accedit cum Diacono a sinistris ad locum tumuli, et ibi a circumstante Clero cantatur Ŕ. Libera me, Dómine. Interim ministratur incensum, benedicitur, et imponitur in thuribulum.

Postea dicitur : Kyrie eléison. Christe eléison. Kyrie eléison. Sacerdos dicit : Pater noster, et dum secreto dicitur, accipit aspersorium, circuit tumbam, aspergens, deinde incensat eodem modo, ut dictum est.

Postea dicit :

Ÿ. Et ne nos indúcas in tentatiónem.

Ŕ. Sed libera nos a malo. Ÿ. A porta inferi. Ŕ. Erue, Dómine, ánimam ejus. Ÿ. Requiéscat in pace. Ŕ. Amen.

Ÿ. Dómine, exáudi oratiónem meam.

Ŕ. Et clamor meus ad te véniat. Ÿ.

Dóminus vobiscum. Ŕ. Et cum spíritu tuo.

Orémus.

ABSOLVE, quæsumus Dómine, ánimam fámuli tui N. (vel fámulæ tuæ N.) ut defunctus (vel defúncta) sæculo tibi vivat : et quæ per fragilitatem carnis humana conversatióne commisit, tu vénia misericordissimæ pietátis abstérge. Per Christum Dóminum nostrum. Ŕ. Amen.

Vel dicatur Oratio, quæ dicta est in Missa, vel alia conveniens.

Ÿ. Réquiem ætérnam dona ei, Dómine. Ŕ. Et lux perpétua lúceat ei. Ÿ. Requiéscat in pace. Ŕ. Amen.

Si Officium fuerit pro pluribus defunctis, Oratio et versus dicantur in plurali numero : si fuerit mulier, in genere fœminino : si fuerit Sacerdos, vel Episcopus, in Oratione exprimitur nomen dignitatis etc.

¶ Prædictus autem Officii ritus pro defunctis adultis tam Sacerdotibus et Clericis, quam sæcularibus et laicis, servari debet in Officio sepulturæ in die depositionis, sive in die tertio, septimo, trigesimo et anniversario.

